



## მიტროპოლიტი ილარიონი: სულიწმიდა ზეცნობიერად მოქმედებს ადამიანზე



2021 წლის 20 ივნისს, წმიდა სამების დღესასწაულზე (სულთმოფენობა), მოსკოვის საპატრიარქოს საგარეო საეკლესიო კავშირების განყოფილების თავმჯდომარემ, ვოლოკოლამსკის მიტროპოლიტმა ილარიონმა საღვთო ლიტურგია აღასრულა მოსკოვის დიდ ორდინკაზე მდებარე ღვთისმშობლის ხატის – „ყოველთა მწუხარეთა სიხარულის“ სახ. ტაძარში. მეუფესთან თანამწირველობდნენ ტაძრის კლირიკოსები.

საგანგებო კვერქსზე აღვლენილ იქნა შესავედრებელი ლოცვები კორონავირუსის ინფექციის გავრცელების საფრთხესთან დაკავშირებით.

საგანგებო კვერქსის შემდეგ მიტროპოლიტმა ილარიონმა ლოცვა აღავლინა, რომელიც საზიანო მონაბერის [სასიკვდილო ვირუსის] გავრცელების დროს იკითხება.

ლიტურგიის განტევებაზე ნაკითხულ იქნა მუხლდრეკის ლოცვები.

შემდეგ მიტროპოლიტმა ილარიონმა მრევლს სამღვდელთმთავრო სიტყვით მიმართა:

„სახელითა მამისაათა, და ძისაათა, და სულისა წმიდისაათა!

ძვირფასო მამებო, ძმებო და დებო, ყველას გილოცავთ წმიდა სამების დღეს – სულთმოფენობის წმინდა დღესასწაულს!

ამ დღეს ჩვენ ვიხსენებთ მოვლენას, რომელსაც ადგილი ჰქონდა უფალ იესო ქრისტეს აღდგომიდან 50-ე დღეს, როდესაც მაცხოვრის ყველა მოწაფე ერთად შეიკრიბა. მათ ირგვლივ უამრავი ხალი იყო თავმოყრილი, ისინი ქადაგებდნენ და უცებ ადამიანებმა დაინახეს, რომ ცეცხლოვანი ენები გარდამოდის თითოეულ მოციქულზე. მაშინვე, უეცრად, იერუსალიმში დღესასწაულზე ამოსულმა ასობით სხვადასხვა ენის ადამიანმა, თავის მშობლიურ ენაზე გაიგონა მოციქულების ლაპარაკი. ამ სასწაულმა დასაბამი დაუდო მოციქულთა ქადაგებას, რომელმაც მთელი მსოფლიო, ყველა ერი მოიცვა და სამყარო გარდაქმნა.

ამ მოვლენის მნიშვნელობა რომ გავიაზროთ, ამისათვის უნდა გავიხსენოთ, რომ უფალ იესო ქრისტეს მოციქულები არ იყვნენ მაღალი საღვთისმეტყველო განათლების მქონე სწავლული კაცები. ისინი უბრალო გალილეველი მეთევზურნი იყვნენ, რომლებმაც, როგორც ჩანს, წერა-კითხვაც კი არ იცოდნენ; უფალ იესო ქრისტეს გვერდით იმყოფებოდნენ მისი ხანმოკლე საზოგადოებრივი მსახურების პერიოდში, ხედავდნენ მის სასწაულებს, ესმოდათ მისი იგავები, მაგრამ ნაკლებად ესმოდათ, რაც ხდებოდა.

როდესაც ქრისტე ჯვარზე აცვეს, მისი მოწაფენი შიშისგან დაიფანტნენ, ალბათ ფიქრობდნენ, რომ მთელი ეს ისტორია დასრულდა და ახლა უკვე კვლავ თავიანთ თევზაჭერ სათხევლებს უნდა დაბრუნებოდნენ. შემდეგ, როდესაც უფალი იესო ქრისტე მკვდრეთით აღსდგა, ზოგიერთი მათგანი ქმუნვაში ჩავარდა – ვერ იჯერებდა, რომ მის წინაშე იგივე ქრისტე იდგა, ვისაც მანამდე იცნობდა და საკმაოდ დიდი ხსნის განმავლობაში თითქმის ყოველდღიურად ხედავდა. როგორც სახარებაშია მოთხრობილი, როდესაც უფალმა მოციქულებს გალილეის მთაზე მოუხმო, ერთნი თავყვანს სცემდნენ მას, მეორენი კი დაეჭვდნენ.

იმისათვის, რომ ეს უძღური ადამიანები, უსწავლელი მეთევზურნი მოციქულებად ექცია, ვისაც ღვთის სიტყვის ქადაგება და ქრისტეს აღდგომის კადნიერად დამონებება შეეძლებოდათ, განსაკუთრებული ძალა იყო საჭირო, რომელიც უფალმა საიდუმლო სერობასას ალუთქვა მოწაფეებს: „რაჟამს მოვიდეს ნუგეშინის-მცემელი იგი, რომელი მე მოვავლინო თქუენდა მამისა ჩემისა მიერ, სული ჭეშმარიტებისაჲ, რომელი მამისაგან გამოვალს, მან წამოს ჩემთს. და თქუენცა მონამე ხართ, რამეთუ დასაბამითგან ჩემ თანა ხართ“ (ინ. 15:26-27); „ხოლო ოდეს მოვიდეს სული იგი ჭეშმარიტებისაჲ, გიძლოდის თქუენ ჭეშმარიტებასა ყოველსა, რამეთუ არა იტყოდის თავით თვსით, არამედ რაოდენი-რაჲ ესმეს, იტყოდის და მომავალი იგი

გითხრას თქვენ. მან მე მადიდოს, რამეთუ ჩემგან მიიღოს და გითხრას თქვენ. ყოველი, რაოდენი აქუს მამასა, ჩემი არს; და ამისთვის გარქუ თქვენ, რამეთუ: ჩემგან მიიღოს და გითხრას თქვენ“ (ინ.16. 13-15).

სულთმოფენობის წმინდა დღეს აღესრულა ის, რაც მაცხოვარმა მოციქულებს აღუთქვა: მათა სულიწმიდა მოუვლინა. როგორც ეკლესიის დოგმატიკური სწავლებიდან ვიცით, სულიწმიდა არ არის ღვთის რაღაც ძალა ან ენერგია, არამედ თავად ღმერთია, წმიდა სამების ერთ-ერთი პირი: ღმერთი, რომელიც ეძლევათ მის მორწმუნეებს და მის მადიებელთ, და რომელიც მთელს მათ ცხოვრებას აღავსებს თავისი ცხოველმყოფელობით, გარდაქმნის მთელს მათ კაცობრივ ბუნებას.

სწორედ ეს მოხდა მაშინ – წმინდა სულთმოფენობის დღეს. მაგრამ ამ დღესასწაულის მნიშვნელობა არ არის მხოლოდ ის, რომ ადრექრისტიანული ეკლესიის ცხოვრებიდან მნიშვნელოვანი მოვლენა გავიხსენოთ, რომელსაც ზოგიერთი ღვთისმეტყველი ეკლესიის დაბადების დღეს უწოდებს. ამ დღის და მოვლენის მნიშვნელობა ისიცაა, რომ იგი დღესაც გრძელდება. იმ დროს დანყებული სულთმოფენობა დღემდე არ წყდება: სულიწმიდის მოქმედება, რომელიც მოციქულებს გადაეცათ, ახლაც გრძელდება ეკლესიის ცხოვრებაში. მოციქული და მისი მემკვიდრენი იმქვეყნიურ ცხოვრებაში გადავიდნენ, ამქვეყნად ადამიანთ მრავალი თაობა გამოიცვალა, მაგრამ მოციქულთა მემკვიდრეობა მინაზე არ წყდება და უფალ იესო ქრისტეს მიერ დაფუძნებულ ეკლესიაში სულიწმიდის მოქმედება გრძელდება.

წერავენ იფიქრებს და იტყვის, რომ სულიწმიდის მოფენა უხვი იყო მხოლოდ პირველქრისტიანულ ხანაში, მერე კი მოაკლდა. სულიწმიდა საკუთარ თავს ავლენს სხვადასხვა ფორმითა და სხვადასხვა მოქმედებით. მაშინ ცეცხლოვანი ენები გარდამოდინდნენ მოციქულებზე, ახლა კი სულიწმიდის მადლი ქიროტონის (ხელთდასხმის) საიდუმლოში გარდამოდის მათ მემკვიდრეებზე. მაშინ მოციქულები სხვადასხვა ენაზე ლაპარაკობდნენ, ყოველ შემთხვევაში, ხალხს მათი ესმოდა, ახლა კი მსოფლოს ყელა ენზე იქადაგება სახარება მთი მემკვიდრეების მიერ, და ნებისმიერ ადამიანს, თუკი სურვილი აქვს, მშობლიურ ენაზე შეუძლია მოისმინოს კეთილი უწყება.

ისტორიიდან ვიცით, რომ უფალი იესო ქრისტე თავის მონაფეებს არამეულ ენაზე ელაპარაკებოდა, მაგრამ ქრისტიანთა უკვე პირველმა თაობამ, დაბადებით ებრაელმა, მათ შორის იყვნენ მოციქულებიც, ვის შესახებაც დღეს ვსაუბრობთ, გადანყვიტა, ხალხებისთვის უფალ იესო ქრისტეს აღდგომა, მისი მოძღვრება დ სიკვდილი ეუწყებინათ არა ებრაულ, არამედ ბერძნულ ენაზე. ბერძნული ენა იმ დროში რომის იმპერიის მთავარი ენა იყო. ბერძნულ ენაზე დაინერა სახარება, ბერძნულად წერდა თავის ეპისტოლეებს პავლე მოციქული, რომელიც საკუთარი თავის შესახებ ამბობდა, რომ იყო ებრაელი ებრაელთაგან, მაგრამ ეპისტოლეების დაწერა ბერძნულ ენაზე გადანყვიტა, რომ რაც შეიძლება მეტი ადამიანი, მათ შორის, წარმართებიც, ზიარებულყვნენ ჯვარცმული და მკვდრეთით აღმდგარი ქრისტეს რწმენას.

როდესაც მოციქულთა მემკვიდრენი ქრისტიანულ საწმუნებას ავრცელებდნენ, თითოეული ერის მოქცევა იმით იწყებოდა, რომ ბერძნულ ენაზე გადმოცემულ ამ უწყებას უკვე იმ ერების ენებზე

თარგმნიდნენ, ვისაც წმინდა სახარებას უქადაგებდნენ.

ჩვენს სლავ წინაპრებს წმინდა წერილი და საღვთისმსახურო წიგნები წმინდა მოციქულთასწორებმა კირილემ და მეთოდემ გადმოუთარგმნეს, რათა ჩვენს წინაპრებს საკუთარ დიალექტზე შეძლებოდათ უფალ იესო ქრისტეს სახარების მოსმენა.

მერე უკვე, შედარებით უახლოეს პერიოდში, XIX საუკუნეში, როდესაც ადამიანებს არცთუ კარგად ესმოდათ სლავური ენა, ეკლესიამ წმინდა წერილის რუსულ ენაზე გადმოთარგმნის შრომა იტვირთა. სწორედ ამ სინოდალურ თარგმანში ვკითხულობთ ჩვენ დღეს წმინდა წერილს.

თუმცა სულიწმიდის მოქმედება ხორციელდება იმისგან დამოუკიდებლად, თუ რომელ ენაზე ლაპარაკობს ადამიანი. სულიწმიდის მოქმედებები და სასწაულები, რომელთა მოწმენიც და მონანილენიც ქრისტეს ეკლესიაში ვხვდებით, ადამიანის ენასა და ცნობიერებას აღემატება.

როდესაც ევქარისტიაზე ვიკრიბებით, ღმერთს ვწირავთ ადამიანის ხელებით გამომცხვარ პურს და ღვინოს – ასევე ადამიანის შრომის ნაყოფს. მაგრამ მღვდელთმთავრის, მღვდლების, დიაკვნებისა და ყველა მორწმუნის ლოცვით, ვინც ღვთისმსახურებაში მონანილეობს, სულიწმიდის მოქმედებით პური და ღვინო ყოველთვის გარდაიქმნება, გარდაისახება და გარდაარსდება ჩვენი უფლის იესო ქრისტეს ხორცად და სისხლად. სულიწმიდის მოქმედებითვე ვიღებთ ჩვენს შიგნით უფალ იესო ქრისტეს ხორცსა და სისხლს, და სულიერად ვნახლებით და ვლორძინდებით, რამეთუ თავად ღმერთი შემოდის ჩვენს სხეულში: მისი სისხლი იწყებს ჩვენს ძარღვებში ჩქეფვას, მისი სხული კი ჩვენი ხორცი ხდება. სულიწმიდის მოქმედებით უფალ იესო ქრისტეს ჩვენ არა მხოლოდ სულიერად, არამედ ხორციელადაც ვუერთდებით, მთლი ჩვენი კაცობრივი ბუნებით.

როდესაც მღვდელთმთავარი ხელდადების საიდუმლოს აღასრულებს – ერისკაცს ადგენს მედავითნედ და შემდეგ იპოდიაკვნად, მერე კი დიაკვნად, უნდა ვიცოდეთ, რომ ამ ადამიანის თითოეული აყვანა ერთი ხარისხიდან მეორეში, სულიწმიდის მოქმედებით ხდება. მღვდელთმთავარი ისეთივე მინიერი კაცია, როგორც ყველა ჩვეულებრივი ადამიანი. ამიტომ როცა ის გამოსარჩევ პირს ხელს ადებს, ეს ნიშნავს, რომ მას გადასცემს არა საკუთარ ძალას, ხელოვნებას ან ცოდნას, არამედ სულიწმიდის მადლს. დიაკვნის სამღვდლო ხარისხში აყვანისას, მღვდელთმთავარი კვლავ ასხამს მას ხელებს, და კვლავ საღვთო მადლი, რომელიც „უძღურთა მკურნალი და ნაკლულევანთა აღმავსებელია“, გარდამოდის ადამიანზე, წინასწარმეტყველებს, ანუ გამოჰყავს იგი ახალ მსახურებაზე და ისიც, სულიწმიდის მადლით მსახურების შესრულების შემძლებელი ხდება, რაც მის ჩვეულებრივ ადამიანურ ძალებს აღემატება.

ხოლო თუკი ეკლესია ამა თუ იმ მღვდელთმსახურს საეპისკოპოსო მსახურებისთვის გამოირჩევს, მაშინ აქ უკვე რამდენიმე მღვდელთმთავარი იკრიბება, რათა კრებისათად ადიდონ უფალი, და ერთად მოიხმონ სულიწმიდა, რადგან ამ მოხმობის გზით ახლად არჩეულმა ეპისკოპოსმა განსაკუთრებული სამოციქულო მადლი მიიღოს. ეს მადლი პირდაპირი მემკვიდრეობით უფალ იესო ქრისტესგან და მისი წმინდა

მოციქულებისგან თაობიდან თაობას გადაეცემა და განისვენებს მოციქულთა ახლანდელ მემკვიდრეებზე, და ასე გაგრძელდება მათ შემდგომ მემკვიდრეებზეც საუკუნეთა აღსასრულამდე.

მღვდელთმთავარს საშუალება აქვს, ნახოს სულიწმიდის გარდამოსვლის სასწაული, რაც თითქმის ყოველდღე აღესრულება. სული წმიდა გარდააქცევს პურსა და ხორცს ქრისტეს ხორცად და სისხლად, უსწავლელ მეთევზურებს მაცხოვრის კადნიერ მოციქულებად გარდაქმნის, უძლურ ადამიანებს იმის უნარს აძლევს, რომ მოციქულების მემკვიდრენი გახდნენ, ღვთის სიტყვა დაუბრკოლებლად იქადაგონ, ქრისტე დამონმონ და თუ აუცილებელი გახდა, მისთვის სიცოცხლეც კი გაიღონ.

გავიხსენოთ ჩვენი ახალმონამენი და აღმსარებლები, რომლებიც დევნის უმძიმეს პირობებში აღმოჩნდნენ, მაგრამ არ შედრკნენ – ნავიდნენ ჯვარზე, სიკვდილზე. რა დაეხმარა მათ? უფრო ზუსტად, ვინ დაეხმარა? რა თქმა უნდა, სულიწმიდა ეხმარებოდა მათ უმძიმესი განსაცდელების შუამს, რათა ამ უსასტიკეში დევნაში სულიერი და ფიზიკური ძალები მოეპოვებინათ საკუთარ თავში და ბოლომდე ჩვენი უფლის, იესო ქრისტეს ერთგულ მორწმუნეებად დარჩენილიყვნენ.

წმინდა სულთმოფენობის დღესასწაული ამონიშნავს, რომ უფალ იესო ქრისტეს მიერ დაწყებული საქმე – გრძელდება, მიუხედავად ყველა წინააღმდეგობისა და დაბრკოლებისა, და გრძელდება ის ძალიან წარმატებულად, რადგან ქრისტიანების ყველა თაობაში ეხმარება სულიწმიდა ქრისტიანობის მქადაგებელთ.

წმინდა სულთმოფენობის ამ დღეს მივმართოთ უფალს, რომ გამოგვიგზავნოს სულიწმიდა, რათა სულიწმიდა ნუგეშინისმცემელი მოვიდეს და დაემკვიდროს ჩვენში, განგვწმიდოს ყოველგვარი ბნისგან და ისხნას ჩვენი სულები. ამინ.

ყველას გილოცავთ დღესასწაულს! ყველანი უფალმა დაგიფაროთ!“.

სსკკ კომუნიკაციების სამსახური

გაზიარება:

---

წყარო: <https://mospat.ru/ge/news/87485/>